

清會典

四十三四

戶部

二十一

漢書門			
九〇八	二	一	八
函	架	冊	類
一六〇	一〇	二	八

漢書
九〇八

內閣文庫			
九〇八	二	一	八
函	架	冊	類
二九	五	九	五

內閣文庫			
番號	漢	908	
冊數	160 (24)		
函號	295	10	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TMI: Kodak



大清會典卷之四十三
戶部
漕運四
雜禁

戶部

漕運四

雜禁

國初定。監兌漕糧未完。捏報兌完。漕船未開。捏報開行者。各降二級調用。○又定。收兌漕糧。攙和糠粃砂土。及私自改折漕糧者。該管官俱革職。監兌官降一級調用。其抵通交兌漕糧。有糠粃砂土者。押運官革職。糧道降一級調用。如無糠粃砂土。經收官抑勒不收者。降二級調用。○又定。河漕總督專管督率運糧。如各官不預行挑

淺疏通。以致糧艘遲悞者。該督題叅議處。如回空船隻。該督不行力催。又不題叅各官者。降二級留任。○又定。官員不速催趲漕船。及無故容先後越幫者。各罰俸九個月。該管官漕船入境日期。不查明轉報者。罰俸六個月。○又定。官員解送舊斛。遲延及損失者。罰俸六個月。○又定。監兌官任蠹惡包攬。橫行水次。侵蝕漕糧者。降二級調用。或旗丁生事。不能禁止者。該管官降一級調用。○又定。運官領運赴北。運竣南旋。托故回籍者。照規避例革職。○又定。旗丁沿途盜

賣漕糧。押運官不能查出。降一級調用。○又定。押運官不候交完漕糧。未經掣批。私自回任者。罰俸一年。○又定。運船立纛監旗。吹樂張號者。管運官員。罰俸一年。○順治三年。覆准。漕糧無論官。儒。民。戶。一體督催。及時入厥。候兌。不得堆貯私家。逼令官丁赴兌。違者治罪。○五年。覆准。運官赴次交兌。屢催始到者。革職。帶罪交糧。完日開復。○又議准。文武官不得擅受領運官丁詞訟。違者指叅。○七年。覆准。漕兌積弊四款。一科派常例。一濫差滋擾。一苛勒贈耗。一交兌留

大清會典 卷四十三
二
難。通行勒石禁革。○十年。覆准。嚴禁盤放糧船私債。許官旗自首。照私放官債例。加等治罪。○又覆准。漕糧徵收。責在州縣。監兌。責在推官。康熙六年。推官俱裁。查驗管押。責在糧道。其餘道府各官。不得借驗糧名色苛索。如違題叅。○又覆准。漕米依限收完。卽給票歸農。官兌軍收。不許點充倉頭。私派耗贈。勒碑永禁。仍取具州縣遵依。○又覆准。漕糧盤剝。俱有額設銀兩。嚴禁私拿貨船。○十二年。覆准。監兌官事竣。將有無需索等弊。具結該督撫存驗。如運弁至通掛欠。采

有需索費用。事有指實者。許開報倉督。移文總漕嚴鞫提追。○十三年。覆准。交兌漕糧。如有州縣蠹役。包攬侵蝕。扳累百姓。將州縣官嚴叅重處。其侵糧等役。立行監追。籍其家產。妻孥賠償。仍治以重罪。○十四年。覆准。沿河督撫。鎮道等官。遇有生事弁丁。照營兵鼓譟例。先從重處治。一面題請發刑部究擬。刊榜曉示。○又覆准。防汛官兵。如汛地內有漕船盜賣。事發一并治罪。○十五年。覆准。官收官兌。軍民不許相見。有陽奉陰違。查叅重處。運丁鼓譟。有司能捍禦者。上

司據實題敘。巡察密訪各屬倉蠹巨蠹及各衙門常例。弁丁淋尖。踢斛。割單等弊。題叅重處。○又覆准。總漕及各撫。按衙門。不許旗丁子弟謀充書承。本官失察。一并叅處。○又覆准。運官領運漕船。全單開載定數。中途灑帶歸併。到通船少。冒支行。月。水脚。銀米。嚴追完日。仍從重處分。○又覆准。州縣拖欠。該管監兌。糧道等官。祇當嚴檄飛催。不得差役更番迭至。恣其勒索。違者。該督指叅。○又覆准。糧道等衙門。借名盤驗。多帶人役需索。該管官一并坐罪。○十六年。覆准。

積年幫蠹。專以放債爲生。勒寫行。月。錢糧。聽其支領。又借名使費。侵扣多端。并取官糧。准折。責成糧道。加意訪拿。以除漕害。○十七年。覆准。總漕各撫。按於兌糧時採訪。如有糧道取索州縣。州縣攤派糧里。胥役苛索運弁。科歛旗丁等弊。卽行叅究。○康熙元年。

諭。糧船經由漕河。領運官丁。恪遵條約。依期抵通。方爲供職無罪。乃有等頑奸官役。不守成法。多有夾帶私販貨物。隱藏犯法人口。倚恃勢力。行兇害人。借名阻礙河道。毆打平人。托言搜尋失物。搶劫民船。且有盜

賣漕糧。故致船壞。貽累地方。種種奸惡。難以枚舉。藐法病民。莫此為甚。以後如有仍前作弊違禁。肆行無忌者。督漕各官。並該地方官。一有見聞。卽行叅奏。務將官丁嚴提。治以重罪。若知而徇情不奏。督漕各官及地方官。亦從重治罪。○四年。覆准。漕船僉造之年。如有衛所官。勒索軍民幫貼者。該督撫指名題叅。○十一年。題准。領運官。朘削運丁。或將應給行月。錢糧。及修艙等銀。侵扣不發。或勒索不遂。酷打運丁者。俱革職究擬。○又題准。運官抗不赴次。及赴次勒索淋尖。毆辱糧官。并不嚴飭運

丁。爭索斛面酒席。課辱糧官。及沿途生事。阻壓行船。欺負官員。毆斃民命。及回空時。縱丁毆打催趲官兵者。俱革職究擬。○又題准。運官停泊漕船。不聽督催。陵辱閘官。責打閘夫。帶去閘板。洩水悞漕者。革職究擬。不挨程速進。沿途脫幫遲悞者。降二級。帶罪督催。若謊報水淺塘塞者。罰俸六個月。○十四年。覆准。蘇。松。等府。於定例加贈五米十銀外。永禁私派貼運名色。○十七年。覆准。禁革小民納糧時。修倉鋪墊。及屯丁領運行月。扣除陋規。違者叅究。督撫失察。徇庇。一

并治罪。○又覆准。沿途運丁。停泊生事等項。許徑報地方官。拿解糧道。或兵巡守道。重處。將運官申報總漕。於過淮時懲治。○二十年。覆准。浙江運丁。私勒民兌。另立私截名色。嚴行禁止。○二十一年。覆准。運河淺澀。漕船定有程限。各處兵船。行至閘河。務隨漕啓閉行泊。如有扭鎖掀板。任意爭闖者。該督指叅。領兵官嚴加議處。○又議准。總漕不預行挑淺疏通。以致遲悞者。請旨議處。○二十六年。覆准。嗣後運丁不正身押運者。將承派運丁各衛守備。罰俸一年。押運通判。罰

俸六個月。領運守備。干總。徇私不行查出。各降一級留任。○四十二年。覆准。新漕過淮。總漕驗明放行。及抵通起交。輒有掛欠。皆沿途盜賣所致。嗣後重運北上。飭沿河文武各官稽察。不許私自擅賣。抵通交完。所餘米石。仍准其沿途賣買。○又

論。漕船未經抵通之先。有沿途偷賣者。押運官卽申報總漕。若地方官察出。亦卽申報該管上司題叅。○四十三年。議准。各省漕白二糧過淮。旗丁土棍勾串。貪利私賣。以致虧空。嗣後重運入境。令該管

道。府。州。縣。往來巡察。如有盜賣一起者。州縣官。罰俸六個月。道府。各罰俸三個月。二起者。州縣官。罰俸一年。道府。罰俸六個月。三起者。州縣官。降一級留任。道府。各罰俸一年。四五起以上者。州縣官。各降一級調用。道府官。各降一級留任。若道府。州。縣。能察實拿獲。將賣糧買糧之人。均各枷號一個月。滿日。責三十板。糧米追交本船。米價入官充餉。運弁俟回南。總漕細打四十。○四十九年。覆准。漕糧在水次受兌上船之時。糧道。監兌官。務必眼同照數兌清。及上船抵淮時。

總漕親身嚴行盤查過淮。過淮後。沿河文武各官。嚴催出境。無致盜賣。如沿河文武各官。不嚴行速催出境。致有弁丁任意盜賣情弊。將該地方各官。交部嚴加議處。○六十一年。覆准。沿途地方文武各官。不力催趲糧船。協拿奸匪。以致旗丁水手生事擾害。將專管官。照溺職例議處。兼轄官。照失察例議處。該督撫容隱不行查叅。照狗庇例議處。○又覆准。押運領運。隨幫官弁。嚴押催趲。毋許丁舵水手生事。如有不遵約束。奸徒會同地方催漕各官。協拿究治。倘平時不

大清會典 卷四十三
行約束。臨事又復容隱。該督撫指名題叅。○又覆准。嗣後頭舵水手。必須有室家之人。方准僱覓。仍取鄰佑甘結。并頭舵水手花名。年貌籍貫。清冊報名。該運官弁。轉報糧道。總漕存案。若水手十人以上。執持器械搶奪者。將爲首之犯。照強盜律治罪。爲從者。減一等。如十人以下。無器械者。照搶奪律議罪。出結之頭舵水手。容隱不首及狗庇者。照強盜窩主律。分別治罪。○又覆准。漕米到壩。因不堪起卸。賣易買補。不肖奸丁。乘機夾帶好米。私行盜賣。倉塲坐糧廳。應不時

巡查。如在南串通州縣倉役。將米石折算銀兩等弊。應令總漕密加察訪。卽將弁丁胥役。從重究處。該管官題叅。○雍正元年。議准。嗣後糧米不許顆粒上崖。以致奸丁盜賣。該地方官仍不時嚴加稽查。如遇過淺添夫。止許照常給錢。不許任意索米。倘敢擅動漕糧。事發之日。將該弁丁。并不法夫役。以盜賣盜買。從重治罪。該地方官。以失察偷盜題叅。○二年。覆准。每幫全糧入船。取具連環互結存查。如有折乾盜賣等弊。將本丁治罪。其餘九丁。一體責懲。所欠米石。卽著

落買補運通。○又

論各省旗丁運糧進京。沿途行走。理應奉公守法。乃數年前浙江湖廣糧船。因懷挾私忿。彼此爭鬪。持戈放箭。殺傷者多。逞其兇頑。肆行無忌。又聞前歲冬。糧船守凍。在山東地方。竟行搶奪。擾害居民。去歲回空。又聞強取百姓衣物。此等皆大干法紀。嗣後總督若不嚴加約束。禁止妄行。仍然寬縱。直隸山東河南巡撫。卽著轉飭沿河官弁。不時稽察。倘犯法爲非。卽分輕重。按律治罪。不得稍有徇縱。推諉以長刁風。若有從前爭鬪傷人。及搶奪擾民之

事。該督撫卽行奏聞請旨。於彼地立行正法。決不寬貸。可預先曉諭各省運丁知之。○又議准。糧船篷桅器具等物。係動支錢糧成造。乃幫船到通。多私賣桅木。嗣後糧船開行之時。該督嚴飭官弁。約束各丁。無得私自變賣。並行倉場嚴禁通州木廠。不許串通運丁盜賣。如有仍前私行買賣等弊。卽將押運官弁題叅。交部嚴加議處。○又覆准。漕船到汛之日。催漕官弁。速行催趲。如有前船阻滯。各汛遞相催趲。倘前汛不行力催。有礙後船者。許申報倉場。查明不力緣由題叅。

如漕船到汛。不親身赴河。并坐視前船阻抵。不行申報者。一并查察。俱照催趲不力之例議處。

白糧

白糧解運

京師所以供

上用。及頒給俸祿。其徵兌考成。槩同漕糧。其則例之不同者。詳列於後。

原額。正米。二十一萬七千四百七十二石五斗八升七合二勺。
耗米。一萬一千二百二十石六斗二升六合一勺。

內倉。

舊名內官監。順治十年。改名內倉。

白熟粳。白熟細粳。正

米一萬二千八百二十五石。每石加耗米五升。

供用庫。白熟稷。正米八萬二千四百五十二石。四升七合。每石加耗米五升。

光祿寺。白熟稷。糯。正米六萬六千九百八十八石。二斗八升九合。

酒醋局。白熟糯。正米一萬二千二百石。每石加耗米五升。

王祿。上白稷。正米九千二百八十三石。二斗。每石加耗米五升。糙白稷。正米七百一十六

石。八斗。每石加耗米三升。

各衙門。糙白稷。正米三萬二千八百九十石。二斗五升一合二勺。每石加耗米一斗。

犧牲所。糯稻。准糙。正米一百二十五石。每石加耗米一斗。

江南正米一十五萬一千二百七十二石。五斗八升七合二勺。蘇州府。熟稷糯。正米四萬

三升六合。松江府。熟稷糯。正米三萬七千三百五十二石。四升七合。糙白稷。正米一萬三千

府。熟稷糯。正米三萬三千二百五十五石。二斗八升九合。熟細稷。正米一千七百石。糙白

種。正米。五千二百八十四石五斗二升。以上除荒陞墾。按年增減。

耗米。七萬二千二百六十三石八升八合四

勺。熟白米。每石。加耗五斗。糙白米。每石。加耗四斗。交倉耗米。在內支辦。

春辦米。三萬六千三百五十石一斗六升八

勺。熟白。糙白。正。耗米。每石。俱加春辦米二斗。常州府。熟細正米。每石。加春辦米九斗四

升。

經費銀。二十三萬五千八百五十八兩三錢

六分三釐三毫。米。一萬八百九十一石六斗

二升六合二勺。

實運船二百九十三隻。每船。看糧船夫二名。量斛束包挑運夫二

名。

領運。候運。千總六員。

領運。每員。馬。繖。夫。役。四名。書辦一名。舊有牢役

三名。康熙七年。裁。

隨幫百總三員。

浙江正米。六萬六千二百石。

嘉興府。白粳。糯米。四萬一千

三十四石六斗九升一合八勺。湖州府。白粳。糯米。二萬五千一百六十五石三斗八合

一勺。浙江無除荒陞墾之例。

耗米。二萬九千七百九十石。

正米。每石。原徵。糙。耗米。五斗五

升。康熙十一年。改徵白耗米。四斗五升。交倉耗米。在內支辦。

經費銀。七萬六千六百九十一兩四錢四分

大清會典 卷四十三 戶部二十一
四釐米。一萬二千二百五十九石八斗。

實運船一百二十六隻。

無看糧量。斛等夫役。

領運候運千總四員。

領運每員夫役。與江南同。

隨幫百總二員。

白糧交倉。每千石。收葦蓆一百領。小葦把一百個。以爲鋪墊苫蓋之用。

順治二年。覆准。白糧民運。改爲官解。○三年。題准。江南督押白糧。委府佐貳官爲總部。州縣佐貳官爲協部。各府限十月內。詳委總協部官。有司徵糧及腳價。限十一月內全完。僱船修艙。春

辦。包捆挑運。限十二月內上船。正月內開幫。尾漕北上。三月中旬過淮。七月初旬抵通交兌。如有遲悞。悉照漕例處分。○又題准。江南經費不敷。三府畫一照欵編徵。○六年。題准。江浙白糧。本年徵解十萬石。餘俱改折充餉。每石連耗米春辦夫船米。共折銀一兩五錢。○十年。議准。令各糧道都司禁飭漕船。不得欺陵白糧船。○十一年。

恩詔。白糧民解累民。官解仍以累民。今後以該省漕船分帶。以甦官民之累。應行事宜。該督撫速議具奏。遵

旨議定。浙江白糧。用漕船裝運。江南白糧。仍僱民船官運。○又題准。白糧考成。除糧道照漕糧例議外。總部官。掛欠不及一分者。免議。欠一分者。降一級。欠二分者。降二級。欠三分以上者。革職。協部官。欠不及一分者。降一級。欠一分者。降二級。欠二分以上者。革職。立限追比。悉照漕例。○十二年。議准。改折白糧。因米價甚貴。每石折銀二兩解部。○又覆准。白糧照漕例。冬兌春行。如有違悞。按例議處。○十三年。題准。白糧經徽州縣官完欠分數。及叅後違限。俱照漕糧例處分。○十

五年。定。浙省白糧。仍僱民船運解。○十七年。定。運官掛欠白糧。坐糧廳追比無完。倉場題請發南。押赴總漕。嚴行追比。變產完納。限文到五個月內全完。隨新運解交。不許借端派累小民。如有過限不完。及暗派累民情弊者。俱立行題叅重處。○康熙二年。題准。白糧除光祿寺改折三萬石。每石折銀一兩五錢。解該寺外。餘米俱徵本邑起運。○三年。題准。白糧改折銀兩。限文到六個月全完。如有不完。巡撫布政使。糧道。并府州縣官。俱照地丁錢糧考成例議處。再限六個

月催完。如又不完。大小各官。俱照地丁錢糧年限例議處。○又定。浙江白糧。仍選漕船裝運。額編經費。不敷支給。量行加徵。按實運船數派給。永著爲例。○六年。題准。白糧不便總歸漕糧考成。催徵各官。另作十分考成。其押運官。一運全完。紀錄一次。二運全完。紀錄二次。三運全完。加一級。凡交兌過淮。抵通。俱照漕糧定例。○又題准。浙江白糧。向係文官押運。今改武官專管運解。其議敘處分。照江南協部例。至通判押運漕糧。帶管白糧之官。仍於漕糧內考成。○八年。覆

准。白糧船隻臨境。漕督。河督。倉塲。並沿河督撫。嚴檄文武各官。卽撥兵防護。立行押送出境。如有奸丁逗留作弊。卽行拏究。○十一年。題准。嘉湖二府正項白糧。一石之外。各給白耗米四斗五升。減徵一斗。以抵春折之數。○十四年。覆准。江南白糧。照浙省例。抽選漕船裝運。五年一次更換。每船給行月糧米六十九石三斗。銀五十六兩七錢六分。經費銀。浙江舊例。四百五十七兩一錢一釐。今江。浙畫一。減去銀一百二十六兩二錢四分零。米二十八石。每府另設千總二

員更替領運。責令各州縣春辦完備。交與弁丁裝運。出具通關實收。每幫設隨幫百總一員。押趲回空。原編運夫銀。仍留供用。其月糧內扣貼灑帶。每石負重銀五分。○又定。將浙江白糧船神福柴薪等費。暫停支給。○又題准。江南白糧實徵正米五百石為一船。每船扣由閘銀四十兩。由閘一項。乃白糧抵通。自石壩等五閘。以至大通橋。運進京倉。各行人役應得之腳價。解交通濟庫。照例支給。餘剩解部。○又題准。江南舊例。每船有量斛束包等夫二名。每名額編工食銀七兩二錢。照數支給。○十五年。議定。蘇

松常三府白糧。改設千總領運。以全單為憑。船糧抵通之日。將全單送部查驗。交糧完日掣回。不必起批。○又題准。白糧如改進通倉。減經費銀二十二兩八錢六分。如遇河兌。裁經費銀四十二兩八錢六分。○又題准。白糧全徵折色充餉。每石折價一兩五錢。○十七年。題准。白糧改折經費銀兩。仍與白糧一例考成。○十八年。題准。仍徵本色。○二十年。奉

恩詔改折白糧。○二十一年。定。浙省由閘銀。每石給七

分四釐九毫零。○二十二年。覆准。江浙白糧。全

徵本色起運。○又覆准。浙省缺船。將免徵經費銀。暫徵一半。購買民船。充入漕幫抽運。所給經費銀米。按實運船數派給。○二十三年。定。白糧自本地用包。包裹運通。恐開包斛量。米石拋撒。顏色變更。故用秤稱。坐糧廳所定觔數。正耗米共一百六十觔爲一石。若米色不淨。以一百七十觔爲一石。以備加倍晒颺之用。俱係旗丁親押赴倉。短少。旗丁賠補。有餘。發還旗丁。○二十六年。覆准。浙省白糧經費銀。照原定例全給。○二十七年。覆准。江南白糧行月。銀米。停其支給。

○三十二年。覆准。舊例。欠糧旗丁。止議革運。嗣後掛欠白糧旗丁。除革運外。仍照監守自盜律。嚴加治罪。交糧無欠者。卽爲殷丁。俟上年選用丁船運回之日。核驗完足。五年一調。常隸千總統轄。以重責成。○三十五年。覆准。蘇。松。等府三十四年分漕糧。補徵三分之一起運。而白糧乃係全運。向例。白糧在現運船內抽裝。今現運一分。船數甚少。不能抽調運白。照舊例在通漕船內。酌撥起運。○四十二年。題准。將興武等十一幫無欠丁船。五年一調。抽選裝運白糧。○四十

三年。覆准。運漕運白。均屬一體。將江浙白糧經費銀兩。通行裁去。照漕糧一例。支給行。贈銀兩。○四十四年。議准。江浙二省起運白糧船隻。照依漕糧。支給行。月。贈貼銀兩。令運白糧。五年滿後。始行更換。至白糧俱係本處包束運送。並無折耗。行令倉場侍郎。俟白糧抵通之日。照漕例交收。其減省經費米石折銀。同減省銀兩。一并解部。○四十九年。覆准。浙省白糧。旗丁往來回空飯米。九十七石三斗。係民間情願津貼。並非額編正項。不必裁革。○五十六年。覆准。浙江白

糧。除行。月。之外。每石給漕截銀。三錢四分七釐。米。七升二合。江南除行。月。之外。每石止給贈銀一錢四分五釐。准其照浙江漕截之例。每石補給二錢二釐。於五十五年為始。在道庫減存銀內支給。○五十七年。覆准。起運白糧。每石人夫食米七升二合。浙省現係支給。蘇松常三府。均有額編。多在民欠。應於原編七升二合民欠未完米內。速行徵給濟運。○雍正五年。覆准。白糧運費。多於漕糧。令該督於通漕船內。抽選堅固船隻。歷年無欠。殷丁。掣運白糧。於雍正五年為

始。五年一次更替。令其少有贏餘。如有掛欠。卽
細打革換。以示勸懲。

漕糧起剝

額設土壩剝船一百五隻。裏河剝船二十五
隻。石壩外河剝船二百八十隻。裏河剝船三
百三十隻。土壩車戶。定額口袋四萬條。石壩
經紀。口袋三十四萬條。脚價。每百石。自桃家
淺至張家灣。給銀二兩二錢。楊村至灣。一兩
九錢。蔡村至灣。一兩六錢。蒙村至灣。一兩五
錢二分五釐。河西務紅廟車營至灣。一兩三
錢。王家樓至灣。一兩。河西務紅廟車營抵壩。
二兩二錢。王家樓抵壩。一兩九錢。蕭家林抵

壩一兩七錢。灤家馬頭抵壩一兩四錢。李二司抵壩六錢五分。下八莊抵壩五錢五分。郝家務抵壩四錢五分。中心樓抵壩二錢五分。大通橋至朝陽門剝船二十八隻。朝陽門至東直門剝船十四隻。脚價照土石二壩例。

舊有天津鈔關紅剝船六百隻。漕船至楊村以北。遇有淺阻。該關查發剝船。動支稅銀。每隻墊給小封銀八錢。運畢坐糧廳於通庫水脚銀內照數解還補稅。俱照抵通實數。其失風火燎截留停運之船。俱不准給。康熙三十九年。裁天津剝船。僱民船剝運漕糧抵石壩。經紀負米。每石給銀一釐。土壩車戶。自壩起運。至通州三倉八門。每石給脚

價銀二分九釐。落崖銀一釐。石壩經紀。自壩起運。至大通橋。每石給脚價銀二分四釐。六閘。每閘負米。每石給銀三釐。大通橋車戶。運至各倉。每石給脚價銀四分七釐。京通各倉收受漕糧。僱夫負米入廩包圍。名曰僱長。每石給銀八釐。進倉負米歸囤。名曰小脚。每石給銀四釐。鋪廩打捲抱籌擡斛。京倉名曰花戶。日舖軍通倉。名曰甲斗。每石給銀七毫。布袋。每年石壩經紀先製四萬。土壩車戶先製二萬。照時給價。扣各役本年脚價還庫。

順治九年。題准。石土二壩船袋。缺額不敷。補造外河剝船。每隻給排造銀八十五兩六錢二分八釐零。裏河剝船。每船給排造銀七十八兩一錢三分。照例於脚價內。十年勻扣。二壩口袋。令坐糧廳勒限追比。經紀添製接運。其務關剝船。舊例。每船一隻。給地十頃。免其正供。以備修造。今地困船缺。酌派應僉州縣撥給。○又定。剝船排造艱難。外河選買民船應用。○又覆准。漕船至楊村地方。遇有淺阻。務關例發河剝接濟。及過務關抵紅廟地方。遇有淺阻。坐糧廳例發條

剝接濟。舊制。一母二剝。共船三隻抵通。今關剝定有額數。按地僉充。務令照額補足。以備接運。○十年。議准。到通漕糧。在河次兌放俸餉米石。既無盤閘灑颺之費。將正兌米。原備每石耗米二斗五升。改兌米。原備每石耗米一斗七升。照數交納。○十二年。題准。河兌脚價。俱係運官自備。其附餘耗米。收四升四合入官。餘給運軍。○又題准。修補紅船。向係務關監督之責。定額六百隻。坐派通州。武清。寶坻。灤。永清。東安。香河。等州縣。武清衛。協力修船。今責成霸。通。二道。嚴督

州縣衛秉公僉派。抗違者督撫指名叅處。○又題准。官剝每遇起運。勒索運丁。私貼水脚飯米。至糧米過船時。淋尖踢斛。攙砂使水。暗通艙隙。盜米不一而足。及其交卸。賄通伍長。硬起過壩。虛折之米。貽累疲丁。甚至盜米多者。將船鑿漏潛逃。又有私剝小船。多借莊頭名色。勒索脚價飯米等弊。該地方道廳關司。嚴行禁飭。凡遇起剝。必照漕運則例。毋許額外需索。○十三年。題准。石壩裏河。補造剝船。每隻給料價銀二百九十八兩三錢九分六釐。照例於脚價內。十年勻

扣。○十七年。題准。石土二壩船戶。買補民船。每隻估價一百四十兩。於脚價內。八年勻扣。舊例。每船裝米一百石。今定。裝一百五十石。○康熙六年。定。排造剝船銀。限六年內扣還。其新船行運三年後。每年每船給修艙銀十兩。仍於本年脚價銀內扣完。○八年。定。外河買補之船。八年限滿。價銀扣完。准其買補。其新船行運三年。照例給修艙銀。於脚價內扣還。○二十四年。議准。天津紅剝船。既經按船給地。其水脚銀兩裁去。○二十五年。覆准。紅剝船戶。剝運潮濕短少米

石。限令正身賠補。僱覓人治罪。如違限不完。正身治罪。立限將家產變價賠完。如限內再不完。該州縣官議處。若有攬石灰藥水者。運官旗丁。呈報查實。僱覓人。發寧古塔等處。與新披甲爲奴。米石亦限正身賠完。如剝運好米。官丁勒措不收者。運官旗丁。從重治罪。○二十六年。覆准。紅剝船隻。向係天津關監督。嗣後改令通惠河分司管理。○三十一年。覆准。五閘剝船二十五隻。康熙二十年。起造。十年限滿。每隻給排造銀二百九十八兩三錢。乘時辦料鳩工。其給過銀

兩。仍於各役脚價內。勻扣還官。○三十五年。覆准。江西糧艘重大。許隨帶裝載一百石之小剝船一隻。其過百石之船。不准隨帶。○三十七年。覆准。漕糧關係重大。應速令糧艘回空。於大通橋至朝陽門。設立裝運二百石之船二十八隻。朝陽門至東直門。設立裝運二百石之船十四隻。其脚價俱照土石二壩例。於通濟庫支給。在車戶脚價內。八年勻扣。朝陽門至東直門。蓋設蓆棚柵欄。修築墻垣。存貯米石。其民人貿易小船。亦設立四十二隻。仍不得阻碍糧船。若糧運

緊急之時。暫行禁止。交與通惠河分司管理。○三十九年。議准。每歲糧船轉衛。設紅剝船剝卸。今船隻俱已破壞。不堪運糧。裁革變價。辦船地畝六千頃。交各該縣徵收錢糧解部。每歲均分散給出運丁船。以爲剝淺僱募之需。其旗丁有情願自備者。照江西例。准其自備裝載一百石小剝船一隻。○又覆准。裁石土。二壩船戶。歸併經紀車戶。其未扣剝船銀兩。於經紀車戶腳價內勻扣。又減每石負米價二釐。其節省銀兩。抵補通州城工動用之項。抵完之日。照正項錢糧

解部。○四十五年。議准。設立本裕倉。自通州土壩水運至順成閘。復用車輛運進倉內。每石共給腳價銀一錢五分四釐。○四十七年。覆准。沙子營車戶運本裕倉糧米。自通州土壩水運至順成閘。共造剝船三十四隻。用料價銀六千三百四十六兩四錢四分。分作八年。將腳價勻扣還庫。○五十三年。覆准。沙子營一帶河道淤淺。不增腳價。由土壩起車。陸運進倉。○五十九年。覆准。坐糧廳將庫銀不行詳報題明。擅行借給經紀車戶者。題叅交部議處。○六十一年。覆准。

今歲米石。在桃花口等處起卸。交與坐糧廳。將向來支放起剝銀動用。僱覓船隻。交與弁丁作速運通。用剩銀兩。再行勻給到通丁船。○雍正元年。題准。將米石從船起卸。交與經紀。至大通橋。交與車戶。運進各倉。令監督查兌。如有短少。照各交米石。著令賠還。其腳價一分九釐。免其節省。○二年。覆准。新建萬安倉。在東直門外。較太平倉稍遠。將運價比照祿米等七倉腳價四分九毫。核減一分五釐。給二分五釐九毫。○又覆准。紅剝船既裁之後。卽僱民船剝運。除山東

粟米船。不納船料外。其各省漕船起剝。俱於河西務交納船料。嗣後此項銀兩。令通永道於通州交納。馬頭。燒酒巷。二處。不必驗票。○又覆准。經紀運米到橋。車戶運米到倉。舊例。每米五十石。抽掣一袋。一袋短少。餘袋照數均賠。康熙六十一年。雍正元年。掣欠米石甚多。若照定例。稗梭每石。折銀一兩四錢。粟米每石。折銀一兩二錢。不特各役腳價。不敷扣抵。而經紀車戶之欠。終難完結。照議定米不出倉之例。稗米每石七錢。梭米每石六錢。粟米每石五錢。折算。除石壩

經紀。土壩車戶。掣欠。在未領爛米銀兩內。折抵外。其大通橋車戶掣欠。卽於各役腳價內。三年勻扣還項。但恐此例一定。不肖各役。藉此多欠。亦未可定。嗣後經紀車戶掣欠。酌定數目。不許多欠。經紀。係船運。每運米十萬石。定掣欠二百石。車戶。係陸運。每運米十萬石。定掣欠二百五十石。通倉車戶。係水陸並運。每運米十萬石。定掣欠二百石。俱於各役腳價內。准其扣抵。此外若有多欠。除不准扣抵外。仍將各役照依盜賣漕糧例。嚴加治罪。仍交與地方官。著落家產變

賠。○三年。覆准。沙子營一帶河道。淤淺甚多。其本裕倉漕糧。改由陸路運送。其腳價仍照水運。給銀一錢五分四釐。○又

諭。今年雨水大。糧船不無遲滯。須要速於起卸。方可不悞回空。著賞給口袋二萬條。以助轉運。不必動正項錢糧。亦不必入奏銷冊。所用布疋。向戶部索取。縫紉工值。於內庫咨取。

白糧起剝

額設石壩白糧經紀裏河剝船二十五隻。十年一造。每隻給排造銀二百九十八兩三錢九分六釐。定限六年內。將本役腳價內勻扣完官。

白糧抵石壩經紀負米。每石給銀一釐。石壩裏河白糧水脚負米通壩。每石給銀三釐五毫。石壩白糧經紀。自壩起運至大通橋。每石給脚價銀一分八釐。大通橋慶豐平下。平上。普濟五閘白糧水脚負米過閘。每閘每石給

銀二釐一毫零。大通橋白糧車戶運進京倉。

每石給價銀四分。如收進通倉。每石止給外河負米銀一釐。裏河負米

過壩銀三釐五毫。自壩起運至倉銀一分。餘銀解部。如遇河兌。即按石扣銀解部。

康熙十四年。定白糧運價。舊例每石。槩給銀七

分五釐九毫零。今減去一釐九毫零。○十五年。

題准。白糧改進通倉。每船減經費銀二十二兩

八錢六分。如遇河兌。每船減銀四十二兩八錢

六分。○二十一年。定白糧運價。每石。增給銀九

毫零。

大清會典卷之四十三

大清會典卷之四十四

戶部

倉庾一

國家設倉儲粟。支給廩祿。兼以贍軍賑民。自

京師。通州。以及水次六倉。具列於後。其直省府州

縣倉庾。亦附載焉。

京通倉

舊太倉

祿米倉

南新倉

海運倉

以上四倉屬左翼。

興平倉

太平倉

富新倉

北新倉

以上四倉屬右翼。

清河本裕倉 康熙四十五年設。

萬安倉 雍正元年設。以上十倉為京倉。

大運西倉 大運中倉

大運南倉 以上三倉為通州倉。

倉場官制

倉場滿漢總督侍郎各一員。

京倉巡察都統御史每倉二員。

坐糧廳滿漢各一員。

京倉左翼滿漢正監督八員副監督八員。

京倉右翼滿漢正監督八員副監督八員。

本裕倉滿漢正監督二員副監督二員。

萬安倉滿漢正監督二員副監督二員。

通州西倉滿漢正監督二員副監督二員。

通州中南倉滿漢正監督二員副監督二員。

大通橋滿漢正監督二員副監督二員。

凡總理倉儲順治元年設漢倉場總督戶部侍郎一員特奉專

敕督理京通各倉。○九年定添設滿缺。○十五年定

倉場侍郎專理漕務其總漕督撫及沿河道員

將弁廳倉等官凡關漕運事宜俱照報部欵式

戶部二十二

造報文冊。以憑稽查完欠。照例舉劾。按期造冊報部覆核。○康熙七年。裁漢缺。止設滿侍郎一員。○八年。定。復設漢侍郎一員。

舊有總理滿侍郎一員。順治四年添設。與總漕同理漕務。名爲總理。八年。裁。十二年。復設。十八年。仍裁。

凡京通各倉監督筆帖式員額。順治元年。定。戶部差漢司官一員。同筆帖式管理在京八倉。○又定。差通州坐糧廳漢司官一員。管理起運漕糧。及收放輕齎脚費銀兩。○又定。差滿司官二員。分管通州西倉。中南倉。收放米石。○又定。差

大通橋漢司官一員。管理漕白二糧。○又定。通州二倉。停差滿官。設戶部漢司官各一員。○十一年。議准。郎中各有專職。嗣後各差。停其差遣。止差員外主事。○十二年。定。設京糧廳。專管京倉漕米。查比掛欠。一年更差。○十三年。定。通州二倉。添設滿官各一員。筆帖式各一員。○十五年。裁京糧廳。歸坐糧廳管理。○十六年。定。分八倉爲左右兩翼。每翼差滿漢監督各一員。每倉筆帖式一員。○又題准。通倉差滿漢監督各二員。筆帖式二員。○康熙二年。題准。坐糧廳衙門。

大清會典 卷四十四
三
差滿漢司官各一員。筆帖式一員。○又題准。從前止用戶部漢司官。嗣後照滿官例。不論郎中員外主事。六部輪差。○又題准。大通橋設滿漢監督各一員。筆帖式一員。○四年。題准。京通各差。仍專遣戶部漢司官。○六年。題准。京倉滿漢監督。添設四員。共八員。分轄八倉。○八年。題准。裁添設官員。仍差戶部滿漢司官爲監督。每翼二員。○十六年。議准。京倉兩翼。復差滿漢司官各四員。每倉專撥一員管理。○二十六年。議准。坐糧廳。向止差戶部司員及筆帖式。嗣後照各

關差例。將各部院衙門官員。筆帖式。均行差遣。○三十二年。定。每倉用筆帖式二員。○三十三年。定。每倉仍用筆帖式一員。○四十五年。定。清河地方添設本裕倉。差滿漢監督各一員。○四十七年。議准。通州。大通橋。會清河。三處。相隔甚遠。諸事難以兼辦。大通橋衙門。照舊設立滿漢監督各一員辦理。○五十年。覆准。每倉差滿漢監督二員。○五十六年。裁各倉筆帖式。○五十七年。題准。嗣後令九卿將部院賢能官員揀選保舉。戶部引

見後。再掣派各倉。○五十九年。議准。嗣後更換倉差。各部院衙門員外。主事等官。由堂官保送。酌量官員數目。宗人府。派滿官一員。吏部。派滿漢官各一員。戶部。滿官二員。漢官三員。禮部。滿漢官各一員。兵部。滿漢官各一員。刑部。滿官二員。漢官三員。工部。滿漢官各一員。大理寺。滿漢官各一員。國子監。滿官一員。太常寺。滿官一員。太僕寺。滿官一員。光祿寺。滿漢官各一員。鴻臚寺。滿官一員。俱定於正月內保送。戶部會同九卿揀選滿官十一員。漢官十一員。掣籤具題。定於二

月內到任。○雍正元年。定。添設萬安倉。滿漢監督各一員。○又議准。大通橋及石土二壩。五閘等處。添差滿漢司官四員。巡查。三年俸滿。如果實心辦事。倉場題明。交與吏部。以應陞之缺。卽用。如查驗不實。徇私隱蔽。及怠惰誤事者。卽行題叅。○又覆准。候補候選郎中。員外郎。主事。內有年力精壯。才猷敏達者。吏部會同九卿揀選。給與本銜食俸。管理監督事務。○二年。覆准。嗣後下年監督。於上年開印後。預先揀選引見。授爲副監督。令倉場總督不時稽查。果實心辦事。

下年副監督到倉。卽以上年副監督實授爲正監督。如辦事平常。漫無覺察者。卽題明更換。作事有弊者。卽題叅從重治罪。○四年。

諭倉差甚有關係。小京官內未必有人。御史又有職掌。漢監督著將候補候選道府同知知州。有情愿効力者。報名吏戶兩部。會同九卿揀選引見。如任內果能効力。以應陞之缺卽用。滿監督著各部院挑選筆帖式引見。若能實心効力。以主事卽用。若係中等。仍回原職。其不好者。著革退。

凡京通各倉監督筆帖式。差滿更代。順治元年。

定。通倉司官。一年更代。○十三年。定。通州二倉。

滿官。久任。漢官。一年更代。○十八年。定。兩翼滿。

漢監督各一員。一年更代。○又議准。通倉滿司

官。筆帖式。令與漢官一體。一年差滿更代。○又

議准。各倉滿。漢監督。定限正月內更代。○康熙

二年。題准。坐糧廳滿。漢司官。筆帖式。一年更代。

○三年。題准。京通各倉監督。二年更代。○又題

准。大通橋滿。漢監督。筆帖式。一年更代。○六年。

議准。各倉俱令三年更代。○七年。題准。仍俱令

一年更代。○十四年。議准。復俱令三年更代。仍

於每歲底造冊題報。○十六年。議准。坐糧廳事繁。仍三年更代。京通倉收糧數多。交盤宜清。令其一年更代。○十七年。議准。京倉筆帖式八員。亦令一年更代。○三十三年。定。各倉筆帖式三年更代。○三十八年。覆准。坐糧廳管理一切錢糧。非各關差可比。停其限滿更代。論俸陞轉。逐年奏銷考核。陞轉之時。將各部院衙門關差保舉官員。具題引

見點用。○五十年。題准。大通橋監督。照各倉例。一年更代。○雍正元年。

諭。各倉監督。俱係限年。滿漢一同更換。立法最善。前任若有未清。後任豈肯接受。所以稽錢糧之出入。而除虧空之弊端也。查通州坐糧廳。有通濟庫。每年動用輕齋等項銀數十萬兩。關係錢糧。亦屬緊要。而坐糧廳一差。並無年限更換。或滿員陞轉。則更滿員。或漢員陞轉。則更漢員。滿漢參差更換。彼此牽制回護。勢難徹底清查。况在任日久。倘有虧欠。必至累積增多。更難清理。戶部可將通濟庫錢糧逐一確查。務期明晰。其坐糧廳一差。嗣後或限二年三年。滿漢一同更換。庶接受之際。不致含糊。

而弊端不致久而益深也。戶部卽確議具奏。遵

旨議定。坐糧廳。三年一次。滿漢。一同更換。作爲定例。

○又覆准。現任監督內。有操守清廉。米好數足者。題留再任二年。○又覆准。候補候選官。揀選授爲監督。以本銜食俸者。如操守清廉。數多米足。倉場題留再任一年。准作試俸。如三年任滿。果能實著勞績。倉場逐一開造清冊。具題核明。以應陞之缺卽用。如怠玩悞公。米數短少。不時題叅。交部議處。如改易操守。與偷盜倉糧者。照侵盜錢糧例治罪。

凡巡倉。順治二年。定。差漢御史一員。巡視京通各倉。○七年。定。停止巡倉御史。○八年。定。京通各倉。仍差御史巡視。○康熙七年。題准。裁巡倉御史。○二十年。復差滿漢巡倉御史。滿漢各一員。○二十六年。停止。○雍正二年。定。仍差巡倉御史。○五年。

諭。米糧乃國家第一要緊政務。關係最爲重大。試思此項米石。民間輸納。何等辛苦。官員徵解。何等煩勞。且糧艘運送京師。何等委曲繁重。一顆一粒。皆當愛惜。不忍輕忽。朕爲此一事。宵旰焦勞。時時切

加訓飭。至再至三。且曾降旨。令修理倉廩等項。不惜多費帑金。務期完固。此民所共知者。倉場侍郎。自當仰體朕心料理。使倉廩堅固。天庾充盈。不致霉爛。乃爲稱職。昨朕特遣大臣等前往查看。則見京通各處倉廩。屋瓦滲漏。墻壁損壞者。十居其八九。所貯米糧。漸至潮濕霉爛。夫以如珠如玉之米糧。而視爲泥沙之棄擲。忍心害理。莫此爲甚。若不嚴行稽查。無以儆怠忽。而清弊端。在京十倉。每倉或都統副都統各派一員。御史中。不論滿漢。每倉各派一員。專任稽查之責。其米石出入。支放奏銷。

事件。不必經管。仍屬倉場侍郎管理。其房屋滲漏。墻垣損壞。與倉內鋪墊。及匪類偷竊。一切情弊。俱交與派出之都統副都統御史稽查。一有查出之處。卽行文與倉場侍郎知之。若倉場侍郎不行辦理。妥協。敢致遲延。著派出之都統副都統御史。奏聞。倘有應行查出之處。不行查出。則將缺少米石。應賠之項。著落倉場監督等官。與派出之都統副都統御史。分賠。其通州三倉。卽照此例。交與通永道副將稽查。其失察分賠之處。亦與京倉同。凡京通等開催糧官。舊例。每開一員。舍人二名。

康熙二十六年。裁。

凡管理內倉官。康熙三十二年。題准。內倉兼收白糧。舊例。戶部差委廣西司滿漢各官管理。嗣後於應派小差之滿洲蒙古漢軍年久司官內。挨次派出一員管理。一年任滿。照京通各倉之例。新舊交代考核。

在倉員役

坐糧廳。漕糧經紀一百名。白糧經紀二十五名。土壩車戶二十五名。舊係五十名。康熙二十五年。裁二十五名。四閘。白糧水脚八名。石壩。普濟閘。平下閘。軍

糧水脚各二十六名。平上閘。慶豐閘。軍糧水

脚各十三名。

漕糧經紀。白糧經紀。土壩車戶。軍糧水脚。謂之四行運役。

大

通橋。軍糧車戶二十八名。軍糧水脚十三名。

白糧車戶十三名。白糧水脚二名。板木車戶

十三名。各倉倉役。舊太倉。四十名。祿米倉。四

十名。南新倉。三十八名。海運倉。四十名。興平

倉。三十九名。太平倉。四十名。富新倉。二十九

名。北新倉。四十一名。萬安。本裕。二倉。書役各

四十名。大西倉。甲斗二十四名。小脚一百二

十三名。中南倉。甲斗二十名。小脚一百二十

八名。各官員下雇長。每員或十餘名。或五六名不等。

順治元年。定八倉分隸八旗。每二旗差滿洲旗員一員。每倉設倉尉二員。外郎一名。○六年。覆准。坐糧廳裁革積役。并投充人等。另招股實人戶補充。○九年。定滿洲旗員裁。○十五年。覆准。凡廳倉人役。照經制留用。冗濫者。嚴行禁革。其應設攢典。照例招納。○十六年。定倉尉裁。○十七年。覆准。各廳倉有走部一項人役。經制不載。嚴行禁革。○康熙三年。覆准。坐糧廳於經制額

外。增用委官書吏舍役。其廩工銀米。卽於經制舊額內勻給。○十年。定外郎裁。○二十一年。題准。京通各倉雇長各役。年久恐致作弊。嗣後照攢典例。五年更換。○二十六年。覆准。坐糧廳所屬及倉役名缺。責令通州知州。僉選誠實良民應役。如有保送旗人。及以一人而充兩三役等弊。倉場查叅。將知州降一級留任。其霸充及保結之人。係旗下。枷號一月。鞭一百。係民。責四十板。徒二年。○雍正五年。覆准。行令倉場侍郎。將新募經制吏攢姓名。年貌籍貫。著役日期。取具

大清會典 卷四十四
十一
該地方官印結報部。俟五年役滿。該管官出具
並無虧空過犯印結送部。准照州縣總吏之例。
以九品雜職卽用。

巡倉員役

祿米倉。旗員四員。領催四名。披甲五十名。南
新倉。旗員二員。領催二名。披甲二十八名。舊
太倉。旗員三員。領催二名。披甲二十八名。海
運倉。旗員二員。領催四名。披甲三十六名。北
新倉。旗員二員。領催四名。披甲三十八名。富
新倉。旗員二員。領催二名。披甲二十八名。太

平倉。旗員六員。領催二名。披甲九十名。萬安
倉。旗員驍騎校六員。披甲七十名。本裕倉。旗
員三員。披甲六十名。大西倉。旗員二員。領催
八名。披甲四十二名。中南倉。旗員四員。披甲
七十名。

康熙十年。覆准。京八倉防兵甚少。不能巡邏。每
倉。設本旗旗員。及披甲人等。看守。○二十六年。
覆准。坐糧廳衙門。有委官一項。令其裁去。其通
倉。向設巡捕二名。專司巡緝。照舊留用。○三十
四年。覆准。通倉。亦撥滿洲兵看守。除舊設巡倉

舖軍外。每倉令各該旗派出旗員及披甲人等。其官兵所住房屋。於近倉空地。令工部蓋給。○四十五年。設本裕倉。添旗員披甲人等。如額。○雍正二年。設萬安倉。添旗員披甲人等。如額。○三年。覆准。裁巡捕二名。舖軍一百四十五名。酌添披甲一百二十名。

凡倉糧收支。順治五年。題准。漕米入京倉。每石有耗米七升。尖米四升二合。通倉。每石有耗米四升。尖米四升二合。舊例。每石每月准除尖米一合一勺六抄。以備鼠耗。三年內。遞減尖米三

年外。每年遞減耗米二升。今定。三年內。尖耗俱准遞減。○八年。定。漕糧進京。進通及漕白二糧。派撥進倉。聽倉場總督隨時酌議。○十三年。覆准。漕米貯倉。挨年給放。新收糧米。另貯一廩。不許攙入舊米內。開明收過米數。并驗收監督。經管。暨典姓名。及收貯年月。標置廩門。仍註明循環簿報部。領米人役。按次支給。不得任其揀擇。○又題准。輕齋由閘等銀。係隨漕錢糧。向解部庫支給。嗣後歸倉場督催。各糧道起解到通。發坐糧廳通濟庫收貯。歲底。倉場奏銷。支剩銀兩。

大清會典 卷四十四
三
解送部庫。○又題准。京通各倉。收受漕米。以紅單到日爲始。米石進完。隨即晒颺。必期如法。至雙晒雙颺之後。看其米色乾潔者。卽收受入廩。倘非乾潔。有礙支放者。必三晒三颺。始行收受。務要十日內報完。如過期不完。聽倉場題叅。卽以需索治罪。○十四年。覆准。倉糧三年內。祇准遞減尖米。其耗米。不准遞減。作正支銷。○又覆准。本年新運。剝船不足濟用。暫將正兌漕米。酌撥通倉。○十五年。覆准。京倉交納餘米。必俟通倉交完。查明扣留外。方准照出。其扣存餘米。坐

糧廳。彙吞總漕。移抵官旗舊欠。各倉登註循環簿。作正支銷。○又覆准。改兌進通。例無板木鋪墊。若不先行支放。混蛀可虞。嗣後放米之時。先於通倉挨陳支放。○又覆准。扣除餘米。照舊例三七扣抵外。又挨抵上年欠數。以三年爲止。如五年餘米。查至十二年止。仍有餘米。照數給發。以示鼓勵。○十六年。議准。車戶交米。每票抽掣兩袋。如一袋短少。五袋照數追賠。卽將腳價扣補。○十七年。題准。掣欠米石。令經紀車戶。立刻補還。扣抵明白。如大通橋掣少。經紀賠補。各倉掣少。車戶賠

補。○十八年。議准。各倉在廩內支放米石。恐有短少。嗣後如米滿廩。則自廩口流出量給。若剩至半廩。卽將廩口閘板盡行掣起。與領米之人同看量給。○康熙元年。覆准。漕船抵天津。例有截留。如一幫不敷。卽挨幫截留。不得先後攙越。○二年。覆准。俸米向多河兌。今剝船倉廩俱備。仍舊分京通倉支放。○十四年。題准。盤閘耗米五升。將三升收廩。作正支銷。以二升聽作各閘折耗。○十九年。題准。八旗官員俸米。并官員未分居披甲子弟。及官員家下兵丁餉米。俱於通

倉支給。其餘護軍領催兵丁等餉米。俱於京倉支給。○二十二年。題准。大通橋監督。將運倉米數。先期行文八倉監督。定日開倉。務於本日照數收完。不能收完者。該監督查明登簿。連袋寄倉。次日掣收。以杜侵盜攙和等弊。○二十三年。題准。嗣後放米。如遇廩米蒸熟溢出者。該監督將溢數開報倉場。作爲正項。歲底奏銷。如有隱匿遲延不報者。嚴加議處。○二十四年。定。經紀運米到橋。該督抽掣一二袋。數少二升者。係通州到橋短少。例不賠補。二升以外者。卽照所少

之數。按袋扣算賠補。其各倉定例。自車戶接受入囤。令原運官。旗丁。晒颺。短少。責令運官。旗丁。賠補。如監督違例。將車戶所運米石。攤晒量驗者。罰俸一年。○二十六年。覆准。京倉粟米不敷支給。將通倉支剩。梭米。改派進京。尚有不敷。將年深稷米石。代粟米支放。○三十四年。覆准。河道凍阻。不及入倉。在河堤囤米十萬八千餘石。將八旗王以下。有頂帶官員以上。並官員子弟。家下甲兵等。明年春季米石。卽在河堤支給。此米給發之後。陞任官員。不准支給。革職降級。

等員。亦不扣裁。並明年滿歲上朝官員。新授官員等。仍照例支給。再。一季應給米二十九萬六千石零。河堤打囤米石。不敷支放。此不敷米石。仍將通倉梭粟米石支給。○四十一年。覆准。嗣後將留倉舊任監督變色之米。聽旗人看驗。有可以支放者。新舊監督公同監放。每年務放變色米十分之一。如有攙和爛米塵土者。倉場侍郎查叅。嚴加議處。又凡給發脚價。將變色米搭放。留任監督之倉。十分之中。銀二分。米八分。無留任監督之倉。銀五分。米五分。○四十三年。題

准。京倉支放八旗兵米。舊例。春季自二月放起。秋季自八月放起。限三個月內放完。但八月正當南米抵通撥運入倉之時。收放交錯。日生弊端。嗣後放八旗秋季兵米。改爲十月。以部檔到日。限兩個月放完。春季亦限兩個月。○又覆准。本年漕船遲滯。在張家灣等處河干。酌量起卸。囤貯漕米四十餘萬石。自王以下各官明年春秋二季俸餉米石。卽於河干支放。白米將新老米代給。粟米將新稜米代給。○四十五年。議准。將本裕倉漕米。支給鄭家莊駐防官兵。○四十

七年。題准。輕齋等銀。蘇松解部。餘省解坐糧廳。○五十五年。議准。八旗甲米。分作三季支放。頭季米石。於上年十一月內支給。二季米石。於本年三月內支給。三季米石。於八月內支給。○五十六年。覆准。通倉霉爛米石。每石作銀二錢。給與經紀車戶人等。及各役。抵作工食。餘賞給各旗兵丁。○又覆准。嗣後八旗米檔。於每季上月初十日內送部。移咨倉場。兩個月內放完。如該監督。并監放旗員。違限一月者。罰俸一年。違限兩月者。罰俸兩年。如八旗不於上月初十日內

大清會典 卷四十四
將米檔送部。卽將造冊遲延之官題叅。交與該部議處。至官兵俸餉。已造冊行倉。如有陞轉。不准添補。其年老告休病故者。亦不令扣裁。如獲罪革退。仍令該旗移咨扣裁。○六十年。題准。將蘇松輕齎五萬兩解通。其餘八萬兩解部。如有不敷。倉場具題。戶部查核酌撥。○六十一年。覆准。漕糧定例。正兌進京倉。改兌進通倉。今歲不分正改兌米。俱起卸張家灣。就便支放俸米。將下年運通米石。撥運京倉。補還原項。○又

諭倉糧關係甚要。放米之時。理應一厥放畢。再放一厥。

今聞此厥米石。支領方半。又向別厥支領。所剩米少。而所占之厥甚多。又支領白米時。諸王。公主。等屬下之人。不按應放之厥領米。而揀厥。霸占支領者。有之。此等斷然不可。理應按厥支領。如厥內餘米一半者。卽是弊端。應將此徹底清查。若遣他人。亦不能辦。著和碩雍親王。前往會同查勘。再從前倉內。每日進厥之米。止四五千石。自康熙五十二年以來。每日進厥之米。至四萬石。進米多。則於回空糧船有益。至於米色之變。全在收貯。卽如昭五達地方。所貯米石。歷四十年。米色照常。並未霉爛。厥座有損漏者。著卽修理。

大清會典 卷四十四
三
廩座如不敷用。著卽添造。

皇上遵奉

聖祖仁皇帝諭旨。率諸臣查勘。奏准。通州西。中。南。三倉。共三百七十六廩。除支放已空者七廩外。其餘各廩所貯之米。及院內露囤四百六十一圍。通共米五百一十三萬九千石有奇。內未經支放好米二百七十六廩。已經支放。尚有餘剩之米得半者四十八廩。又變色之米。七成以下。不可久貯。亦已經支放。尚有餘剩之米得半者四十五廩。因此變色之米。占留廩內。致新米不得歸廩。而多入露囤。被

雨蒸潮。易致霉爛。請遣部院大臣一員。同倉場總督。先將此變色之米。照減價例。悉行糶賣。則所占之米既空。而露囤之新米。亦得歸入廩內。至於放米領米之例。誠不可不定。嗣後諸王以下領米時。務各按廩支領。俟此廩既空。再放別廩。倘仍前揀廩支領。遺剩半廩者。該監督卽報倉場總督題叅。將領米官員。交部嚴加議處。放米時。每旗派叅領一員。監視約束。如該監督不將好米給與。而叅雜變色之米。勒令支領。亦許領米官員呈告倉場總督。將該監督亦交部嚴加議處。查定例。支領米石。

限兩月領完。若有無故延挨踰限者。卽停止給與。如係該監督勒措遲延。亦卽將該監督題叅議處。又舊監督任內之米。或米色霉變。額數有虧。新監督勢難接受。若勒令接受。則彼此互虧。愈難究詰。是以舊例將此等虧額之舊監督題叅。仍令伊等留倉監放。俟完日查明追賠治罪。今查康熙五十年以前。虧額留倉之舊監督任內米石。亦尚有餘剩半廩者。應令新監督分別米色。呈驗倉場總督。其未經霉變者。歸併同色好米廩內。以便支放。其已經霉變七成以下者。遷入露囤。卽行糶賣。并行

文直隸巡撫。派各屬州縣設法運去。俟來春令民間糶買。大有裨益。此外又有抵給倉役工價之米。堆積倉外。霉爛成灰。原不在數內。恐有不肖胥吏。將此攙雜充數。鋪墊廩底。亦未可定。請給與耕種之民。聽其量力運去。以墾田畝。有益。若其中尚有成色之米。仍行減價糶賣。倉無混占之廩。地無委棄之粟矣。再查米色之霉變。多由廩倉之損漏。通州各倉。應大修者五十廩。應小修者一百三十二廩。又三倉舊制。各有一百八十二廩。若將新舊之米併貯。似屬不敷。應於各廩空地。添造十八廩。以

足二百之數。請交與工部確估修理添造。再查通倉。惟支放俸米。所用少而存貯日久。陳陳相因。京倉米石。所用甚多。不若於京城擇可建廩之處。另建一倉收貯。便於支放。亦請交工部相度處所。估確建造。至於糧艘到後。按時將米催卸入倉。每日可進五萬七千六百石之數。已嚴飭倉場坐糧廳等。照此催卸。自不至貽誤回空糧艘矣。○雍正元年。奏准。每年到通船六千餘隻。內大船五千餘隻。小船一千餘隻。向有茶果銀兩。每大船十兩。小船七兩。共三萬兩有餘。內給發

皇船水手工食銀一萬一千八百餘兩。外以二千二百兩。爲滿漢總督修理衙署。并筆帖式盤費等用。餘二千四百兩。封貯通濟庫。遇有公事動用。○又覆准。嗣後旗丁交兌漕糧。照例晒颺交完。果有餘剩。照數給與價值。顆粒不許出倉。本衛本丁有欠。准其抵欠。有情願賣與別幫。抵欠者。亦准於本倉賣抵。抵賣之後。再有餘剩。令該監督報明倉場。加具印結。轉咨戶部。差官會同倉場。將坐糧廳及各倉所得茶果銀兩。照數按丁唱名給發。餘米留倉。如不敷用。再於通濟庫

銀內動用給發。○又覆准。五城賑濟粥米。兵部箭匠。工部作官。織染局匠役等項米石。停給老米。槩行支放。○又

命抵通糧船。倉場三日奏報。○二年。

諭。驍騎校。護軍校。雖係職官。原與兵同。伊等赴通關米。多費腳價。此後隨八旗甲米。在京倉支領。令驍騎校。護軍校。與八旗分爲九處。將萬安倉同祿米等八倉掣籤支放。○又

諭。圓明園駐防官兵米石。在本裕倉支領。○又
諭。支放甲米。遇閏年早放一個月。○三年。

諭。八旗應放甲米。原有限期。近日雨水稍多。車輛難行。著寬限一月。嗣後放甲米之時。或遇雨水稍多。卽寬限一月。永爲定例。○又覆准。各倉每季開放大檔。所有擡斛挖筭僱覓之費。別無應領之項。惟各倉進米。舊有茶果銀。每倉約計銀六七百兩不等。令監督發爲僱覓人夫之用。其舊太興平。兩倉茶果銀已經扣抵舊任虧空。將腳價銀兩。以八成折抵虧空。給與二成爲進米之費。至京通各倉收放米石。旣經動用錢糧。如有倉役暗中需索旗人者。嚴查題叅。將監督嚴加議處。

倉役從重治罪。○又覆准。嗣後令八旗都統。將驍騎護軍校。應領米石照冊。同大檔一併送部。分發九倉支放。○四年。覆准。於雍正五年爲始。將改兌梭米。全進京倉。改兌粟米。亦撥入京倉。十萬石。於五年春季俸米內。除王俸外。其餘官俸。應得稷梭粟三色米內。全放梭米一季。嗣後俸餉米石。每隔一年。照例支放一次。○五年。

諭。據倉場侍郎等奏稱。蘇。松。常。杭。嘉。湖。六府糧米。潮濕霉變。有五成六成七成八成不等。若一槩駁回。則重船回次遲滯。若勒令在通賠償。則北地稻米。

稀少。不敷買補。請將五成六成七成之米。俟糧務告竣之後發賣。將價銀發與總漕。嚴追買補。分年搭解。其八成之米。於開放甲米時支放。等語。朕思七成八成之米。俱可供食。著將此二項米石。開放甲米。向例甲米。應將老米粟米梭子米三色搭放。今朕加恩。全放老米。雖成色稍次。然較之粟米稷米。猶爲有益。其放米日期。先期一月。於六月內放起。限兩個月從容放完。至於六成五成之米。難以支放。應如所奏。照數出糶。將所得價值。交總漕發原兌各州縣。照折淨之數。採買好米。分年帶運完。

大清會典 卷四十四
三
項。但俟漕務告竣。方行出糶。不免又有霉爛之患。著倉場侍郎卽委誠實人員。同各該運弁旗丁。親看發賣。卽將所得價值。發與該督撫。糧道採買好米帶運完項。

凡考成。順治十年。題准。坐糧廳經管漕。白。二糧。差滿回部。考核稱職者。從優陞轉。○十六年。題准。倉場侍郎督催漕。白。二糧告竣。照督撫完糧例。議敘。通倉監督。亦照糧道全完例。議敘。○康熙三年。題准。倉場侍郎及坐糧廳。催趲運糧。到通除帶運外。凡進倉米石。并扣收舊欠餘米。總

作十分。坐糧廳。完至九分八釐者。照常考核。完至九分九釐以上者。優陞。欠不及一分者。罰俸六個月。欠一分以上者。罰俸一年。倉場侍郎。完至九分八釐者。照常考核。完至九分九釐以上者。紀錄一次。三年全完者。加一級。欠五釐至一分者。罰俸一年。三年連欠五釐至一分者。降一級。帶罪督催。○四年。議准。京通倉監督任滿稱職者。照坐糧廳例。議敘。○五年。題准。停止優陞例。○又議准。京通各倉缺少糧米。分坐賠補。監督。二分。筆帖式。外郎。二分。倉役。一分。追完入倉。

監督自首免交吏部倉役交刑部擬罪倉督巡倉失察各罰俸一年所存米仍令原管官役支放俸餉放剩之米與新任官交盤○八年議准停止倉督催糧加級紀錄之例○二十三年定各倉監督將糧米人役不行嚴查以致短少支放將監督照委官監放兵餉不行親臨查閱例各罰俸一年頭役不行從公量驗照不應重律杖八十折責三十板○三十九年定自天津催趲糧船至通及往來查看水淺督夫挑挖向係倉場管理今俱歸併坐糧廳○四十一年覆准

嗣後將留倉舊任監督色變之米每季務放十分之一如仍前延緩一年不放如數者降職二級二年不放如數者革職帶罪支放完日開復現任監督不力爲催放一年內不放如數者罰俸一年○五十年議准京通各倉漢監督除外陞者暫停其陞轉其在京陞轉者照滿洲出差官員遇陞轉時准其照常陞轉仍令一年差滿更替如有虧空交與刑部從重治罪著落家產賠還有贏餘正額米者照議敘州縣官之例每米一百石紀錄一次四百石加一級五百石至

大清會典 卷四十四
三千石。照數遞算加級。三千石以上。以應陞之缺卽用。大通橋監督。係專管轉運京倉之員。一年內照數運完。准其加一級。如有不完。交與該部議處。○五十五年。議准。停止監督議敘。○五十九年。議准。京通各倉監督。向例限兩個月交盤。嗣後限四個月交代明白。五個月具題考核。違限者。照交代遲延例處分。如舊監督果有短少攙雜之處。新監督查明。揭報倉場。押同盤量。將舊監督題留監放。仍交與該部從重治罪。如新監督含糊揭報。亦交部議處。仍令赴倉一同

監收。○六十一年。議准。嗣後京通各倉新舊監督交代之時。如有互相推諉。不受交代。延挨月日者。倉場驗看明白。有應接受者。卽令接受交代。如有短少。不應令其接受交代。卽行題叅。嚴加議處。將好米交與新任監督。如有短少。著落舊監督賠補。○雍正二年。覆准。嗣後各倉監督差滿。

欽點部院大臣滿漢各一員。會同倉場。逐廩查驗。如果米好數足。倉場分晰造冊。報部核明。交與吏部議敘陞用。如有短少。浥爛。并尅扣軍丁等弊。

倉場查叅。交部從重治罪。○又覆准。各監督議敘時。除動用通濟庫錢糧。所得餘米。不准議敘。其動用茶果銀兩。所得餘米。按米石數目。照例議敘。仍將存貯贏餘米數。并動用銀數。造冊報部查核。○又覆准。各倉監督虧折米石。行令各原籍勒限一年追賠全完。浥爛米石。每石。照例折銀三錢。亦勒限一年追完報部。○又覆准。康熙五十七。八。九。六十等年。各倉虧折餘米。在各該年監督名下均攤賠補。照例。每石。老米七錢。梭米六錢。粟米五錢。勒限一年全完。如有已故

實無力賠補。并家產盡絕者。該旗該地方官。題報。將各倉役未領二成脚價抵補。

凡禁令。順治六年。定。坐糧廳嚴禁人役兜攬詐騙等弊。其漕糧抵通之日。民間販賣雜糧船隻。皆不得擁擠停泊土石二壩。其東關店房。仍令照舊貿易。但糧到之日。不得糶糶粳粟。二米。以杜運丁盜賣。○八年。覆准。運河兩岸。或有假充運官。保押掛欠。或旗人積棍。借稱歇家引戶名色作奸。嚴行禁革。○又覆准。兩岸莊頭人等。不許近漕船。交通剝運。剝船人役。不許倚恃莊頭

公行不法。如有盜賣盜買事發。該管官一例治罪。○十年覆准。官丁掛欠。皆由勒索多端。嗣後河剝船戶有犯。責在務關經紀等役有犯。責在坐糧廳車戶有犯。責在橋廳倉役有犯。責在各監督違者重究。○十二年。

諭京通積蠹侵吞漕糧。剝船盜賣。旗丁勾通地棍。私相交易等弊。著倉場總督加意釐剔。其過淮以後漕弊。著總河倉督協同稽察。○十五年。題准。河兌之日。預差旗員同坐糧廳。躬赴河干。挨次支放。倘有混籌搶籌等弊。聽倉場查叅究治。○十六年。覆准。

漕米進倉。各監督務晒颺乾潔。違者叅處。○又覆准。放糧時。務照各旗佐領。挨次赴倉支領。不許混擠進倉。擁塞倉門。乘機偷盜。并奸棍霸占厥口。串同倉役作弊。違者。拏解刑部重治。○又覆准。各倉放米之時。監督不時巡查。如有故違不法。車輛擁擠。點火喫烟。偷盜。及買頭奸棍。霸占厥口。串通倉役。包攬糧米者。卽拏送刑部。從重治罪。○十七年。覆准。漕糧抵通。挨序進倉。隨到隨收。不許地棍奸蠹需索陋規。倉場刊單行坐糧廳。頒給運官。填註有無情弊。以便察懲。如

大清會典 卷四十四
運官容隱捏填事發并叅其積年買頭定買瓜分等弊照律議處○又題准起運漕糧搬運腳價務須依期給發不得抑勒遲滯如有應給不給者卽指名題叅其各運役有藉口散給腳價遲延故爲科詐盜漕情弊卽行嚴訪緝拏解送刑部究擬○康熙元年議准京通倉放糧每翼各遣戶部司官一員每旗筆帖式一員又每旗委官員同該倉監督筆帖式驗放如攙和糠土糧米浥爛呈明戶部將監督筆帖式題叅如部員旗員通同攙和支領倉場巡倉嚴查題叅其

漕糧進倉時監督筆帖式不能稽查致有攙和浥爛及受賄虧損情弊將監督筆帖式交吏部倉役送刑部重處其領米之領催及家人若將好米攙和偷賣者亦送刑部重處如在倉場外賣米者聽若在倉內賣米者買主賣主俱交刑部重處倉場巡倉失察者一并叅處○六年覆准米內加水和土事發將押運官舍一并治罪○十九年定各廩所貯米石那貯別廩並未報明者將該倉監督及筆帖式一并叅處○二十一年定經紀車戶剝運交倉偷盜漕糧者交與

大清會典 卷四十四 刑部
刑部究審治罪。○又定。各倉被賊偷出米石。雖經獲賊。但不能預先防範。將該倉監督及看守旗員披甲人等。交與吏兵二部議處。○二十五年。覆准。攔路截袋挖倉越墻之盜。照律治罪。不至死罪者。係另戶人。發黑龍江。寧古塔。等處披甲當差。係奴僕及民人。發黑龍江。寧古塔。等處新披甲人爲奴。至褲襖細袋偷米小賊。卽於倉門柳號四十日。係旗人。鞭一百。係民。責四十板。○三十九年。議准。京通各倉。支放八旗官兵米時。倉役人等。如有攙和沙土支放者。交與刑部

從重治罪。抑勒留難。需索銀錢者。僉妻。發邊衛充軍。因索賄打人至死者。擬斬。監候秋後處決。關米人等。私給銀錢。與受錢之人。同科治罪。該監督不行查出。一并議處。若監督知情故縱者。革職。交與刑部從重治罪。不行查出之倉場侍郎。亦交與吏部議處。○又議准。各省糧船。運到土石。二壩。起米盤壩過閘。運入京通各倉。晒颺俱照定例。如不卽令過壩過閘。抑勒遲延。或晒颺後不令入倉者。許運丁等首告。將監督交與吏部。從重議處。倉役。交與刑部治罪。○四十三

大清會典 卷四十四 三
年。題准。放米逾限。雖係監督遲延。實係倉內惡棍。串通領米之人。推故延挨。以圖偷竊。嗣後監放。及監領官員。不行嚴催。及領米之人。不卽領米。推託時日者。倉場查出。指名題叅。○五十二年。定。偷盜倉米。照火倉偷豆例治罪。○雍正二年。覆准。倉中收放人夫。有夾帶偷盜之弊。交與該監督。取具保結。每人給以腰牌。逐名點驗。搜查。如仍有夾帶偷盜情弊。將監督題叅議處。○又覆准。通倉偷米。有牆上釣鱖等弊。交與看倉官兵嚴行巡查。如有疎縱。題叅議處。○四年。議

准。壩閘。大通橋。及朝陽門。各製有蓋木桶一隻。凡船內岸上狼籍之米。收貯桶內。數滿十石。卽行報明。就近運入太平倉。廠內收貯。俟漕運完竣之日。通計掃收米石若干。倉場據實奏

聞。以爲冬月煮賑之用。仍出示嚴禁。不時巡查。如有將狼籍米粒。掃棄河中。卽行拏究。○五年。議准。經車運役所領脚價銀兩。不許放債。并不許圖利保債。倘有從前所保之債。已經償過本銀者。毋得牽連拖累。將所領運價。逼迫代償。此後如有盤踞其地。違禁取利。剋剝旗丁者。該地方文

武各官坐糧廳。立即嚴拏究治。如世宦大家。係有職人員。亦卽指名題叅治罪。該地方各官坐糧廳。不行查察。及該管運弁。仍縱容旗軍花費。私下借債還償者。一經發覺。俱交部嚴加議處。○又覆准倉場書役。熟久弊生。嗣後少進多出。以致虧空者。書攢頭役。俱照侵欺錢糧之例。比監督減一等治罪。其虧空米石。著落監督。賠六分。書攢。賠二分。頭役。花戶。合賠二分。勒限一年之內。賠補全完。倘限內不完。著地方官將家產變賠。

水次倉

德州常豐倉有二倉。

臨清倉

淮安常盈倉

徐州廣運倉

鳳陽永泰倉廣儲倉 江寧倉

德州倉。額徵本色米。麥。二萬三千六百四十七

石九斗零。折色銀。五萬二千六百六十兩六

錢八分零。

係濟南。兗州。二府屬州縣徵解。給發運軍月糧。并駐防。過往。官兵糧餉。隸山東糧道管理。凡徵本。徵折。該撫於年前預行題請。

臨清倉。額徵本色米。麥。六萬九千三百八十九

石二斗零。折色銀。一萬四千九百五十三兩

大清會典 卷四十四 三
二錢四分零。係濟。兗。東。青。萊。五府屬州縣徵解。給發運軍月糧。并駐防。過往。官兵糧餉。隸臨清關監督管理。

淮安倉。額徵本色米。麥。二萬九千四百四十三石五斗零。折色銀。一萬五千八百二十六兩

五錢二分零。

係淮安。揚州。廬州。常州。四府屬徵解。給發運軍行。月。糧。舊隸淮安關監督管理。今改隸江安糧道。

徐州倉。額徵本色麥。豆。二萬六百九十三石五

斗零。折色銀。二萬五百一十七兩八錢六分

零。

係本州屬縣徵解。給發運軍行糧。隸淮徐道管理。

鳳陽倉。額徵本色米。麥。四萬四千六百六十八

石六斗零。折色銀。八萬八千四百八十七兩

六錢六分零。

係廬。鳳。二府屬壽。泗。宿。穎。亳。等州。及長淮。鳳陽。等衛徵解。給發

運軍月糧。及兵糧。隸江安糧道管理。

江寧倉。額徵本色米。二萬九千一百六十六石

零。

係江寧。鎮江。二府屬滁州。和州。等州縣徵解。給發運軍行。月。糧。隸江安糧道管理。

凡管糧專官。順治元年。差戶部司官。管理臨德倉。一年更代。○二年。差戶部司官。管理徐州倉。

○康熙元年。議准。鳳陽倉部差官員。照例給精微批文。○四年。停鳳陽。徐州。德州。臨清。倉部差。鳳陽倉。歸并本府通判管理。德州倉。委萊州府

通判管理。臨清倉。委登州府通判管理。徐州倉。半歸淮安倉。半歸徐州知州管理。○五年。議准。江寧倉。令本府理事同知兼攝。仍屬江安糧道管理。○七年。議准。鳳陽倉。改歸本府知府管理。○八年。復差部員管轄鳳陽倉。又併臨清倉。與臨清關。爲一差。仍差部員兼攝收放。○十三年。停差鳳陽倉部員。仍歸鳳陽府知府管理。○十八年。題准。德州倉。令山東糧道兼管。○二十年。復差部員管理鳳陽倉。○二十一年。定。徐州知州分管倉務。歸淮徐道兼攝。○三十四年。議准。

淮安倉。鳳陽倉。俱歸併江安糧道管理。

凡倉糧收支。順治九年。議准。山東州縣應解臨德倉糧。舊例。有徵解本色者。有每石徵銀八錢。僉民買米上納者。令俱派徵本色。各州縣佐貳官解運該倉。以備軍需。○康熙三年。題准。臨德二倉本色米。麥。改折銀解部。○九年。定。河南應解臨德二倉錢糧。改解河南糧道。○十年。議准。臨清倉。本年額徵米。麥。改折收貯。米。每石折銀八錢。麥。每石折銀一兩一錢。德州倉。存貯米。麥。不足支放。本年額徵米。麥。仍徵本色解倉。○又

議准。河南應解臨德二倉米石。浙江應解淮倉米石。隔省運解不便。改解各本省糧道。○十三年。議准。臨清倉米。折銀解部。麥仍徵本色貯倉備給。○十四年。議准。臨清倉米。仍徵本色。○二十四年。覆准。臨清倉米。麥。止將臨清。濟寧。近水二處。仍徵本色。其各屬距倉遠者。俱准折徵。○又題准。德州倉。臨清倉。本色米。麥。除支放外。麥石。給放運軍。米石。起解通倉。○又題准。淮。徐。二倉存剩米。麥。變價解部。○二十九年。覆准。德州倉米石。將濟陽等六處。徵收本色。其餘麥石。照

例折徵。○三十年。覆准。德倉舊例。每歲額徵米石。春季預徵一半。支給官兵。本年動支庫帑。於秋成後。照時價採買四千餘石。以作下年春季支放之用。今將三十一年額徵米石。俱於秋成後徵解貯倉。將一半支放本年秋季兵米。一半支放次年春季兵米。以免預徵之累。○三十一年。覆准。嗣後臨德二倉本折錢糧。俱於五月內造報。○三十三年。議准。淮。徐。鳳。三倉各州縣應解本色。照漕折例。槩徵折色。行月。給軍。減存解部。○三十五年。題准。德州倉米。仍徵本色。臨清

倉改徵折色。每米一石。照例折銀八錢。

凡倉糧考成。順治初定。徐淮臨德等倉監督。一年差滿。將任內舊管新收。開除實在數目。核算相符。方准回部辦事。○十一年。題准。淮徐等倉錢糧。各州縣官。未完一。二。三分者。在俸。四。五分者。降俸一級。六。七分者。降職一級。八。九分者。降職二級。十分者。革職。俱帶罪督催。限文到三個月內催完。如限內不完。原欠一。二。三分者。罰俸三個月。四。五分者。罰俸六個月。六。七分者。罰俸一年。八。九分者。實降職一級。十分者。實降職二

級。俱調用。糧道以合屬通算。未完一分者。免議。二。三。四分者。在俸。五。六。七分者。降俸一級。八。九分者。降職一級。十分者。降職二級。俱帶罪督催。亦限三個月催完。如限內不完。原欠一。二。三分者。罰俸三個月。五。六。七分者。罰俸六個月。八。九分者。罰俸一年。十分者。實降職一級。調用。凡糧道州縣。已陞。已降者。於現任。丁憂者。於補任。照例降罰。○康熙三年。題准。徐淮臨德四倉監督。自到任至任滿。按日扣算。凡任內錢糧。與舊欠錢糧。各作十分。如任內錢糧全完。又完舊欠至

大清會典 卷四十四 三

二分以上者。紀錄一次。至四分以上者。加一級。止完現年錢糧。照常考核。現年錢糧未完不及一分者。免議。未完一分者。罰俸三個月。二分者。罰俸六個月。三分者。罰俸一年。四分者。降一級。調用。五分者。降二級。調用。六分者。降三級。調用。七分以上。革職。○又題准。鳳陽。江寧。二倉監督。催收各州縣衛所錢糧完欠。俱照徐淮。臨德。四倉例考核。○又題准。徐淮。臨德。四倉。及鳳陽。江寧。二倉錢糧。州縣官欠不及一分者。停其陞轉。欠一分者。罰俸六個月。二分者。罰俸一年。三分

者。降俸一級。四分者。降俸二級。五分者。降職一級。六分者。降職二級。七分者。降職三級。八分者。降職四級。俱帶罪督催。完日開復。欠九分以上者。革職。布政使。糧道。知府。直隸知州。欠不及一分者。停其陞轉。欠一分者。罰俸三個月。二分者。罰俸六個月。三分者。罰俸一年。四分者。降俸一級。五分者。降俸二級。六分者。降職一級。七分者。降職二級。八分者。降職三級。九分者。降職四級。俱帶罪督催。完日開復。欠十分者。革職。巡撫。欠不及一分者。停其陞轉。欠一。二分者。罰俸三個月。

月三分者。罰俸六個月。四分者。罰俸一年。五分者。降俸一級。六分者。降俸二級。七分者。降職一級。八分以上者。降職二級。俱帶罪督催。完日開復。署印官欠不及一分者。停其陞轉。欠一。二分者。罰俸三個月。三。四分者。罰俸六個月。五。六分者。罰俸九個月。七。八分者。罰俸一年。九。十分者。降一級調用。署印不及一月者。免議。州縣官叅後。限一年徵完。如限內不能全完。原欠不及一分者。罰俸一年。原欠一。二分者。罰俸一年。原欠一。二分者。降三級調用。原欠三。四分者。降五級調用。原欠五。六分者。降五級調用。原欠七分以上者。革職。布政使。糧道。知府。直隸知州。叅後限一年半催完。如限內不能全完。原欠不及一分者。罰俸一年。原欠一。二分者。降三級調用。原欠三。四分者。降四級調用。原欠五。六分者。降五級調用。原欠七分以上者。革職。巡撫。叅後限二年全完。如違限不完。原欠不及一分者。罰俸一年。原欠一。二分者。降二級調用。原欠三。四分者。降三級調用。原欠五。六分者。降四級調用。原欠七。八分者。降五級調用。原欠九分。以上者。革職。其接徵接催各官。俱以到任日


級調用。原欠七分以上者。革職。布政使。糧道。知府。直隸知州。叅後限一年半催完。如限內不能全完。原欠不及一分者。罰俸一年。原欠一。二分者。降三級調用。原欠三。四分者。降四級調用。原欠五。六分者。降五級調用。原欠七分以上者。革職。巡撫。叅後限二年全完。如違限不完。原欠不及一分者。罰俸一年。原欠一。二分者。降二級調用。原欠三。四分者。降三級調用。原欠五。六分者。降四級調用。原欠七。八分者。降五級調用。原欠九分。以上者。革職。其接徵接催各官。俱以到任日

爲始。限半年催完。如不能完。照初叅分數例處分。至帶徵節年拖欠錢糧之大小各官。俱限二年全完。如不能完。照各職任定例處分。○四年。議准。山東。河南。糧道。免其德。臨。二倉考成。○六年。題准。徐州倉。歸知州經營。如經徵本州錢糧不完。照州縣官限例議處。如督催各縣錢糧。照直隸州限例議處。○七年。定。河南應解臨。德。二倉錢糧。歸糧道給放運軍行月。照舊考成。○十四年。題准。署印官欠不及一分者。不必停陞。接徵接催官。槩限半年。爲期太迫。改定州縣官限

一年。司道府直隸州限半年。巡撫限二年。如不全完。仍照初叅例處分。○十九年。定。德州倉糧。歸併糧道。照監督例考核。○三十二年。覆准。常德。二倉。定例四月內。將完欠分數職名造冊具題。但糧道每年三月底押運北上。故每年題請展限一月。嗣後定於五月內造報。免致題請展限。○三十三年。覆准。淮。徐。鳳。三倉。徵收各州縣米麥雜豆。及折色銀兩。徑交糧道給發旗丁。餘剩解部。完欠考成。皆歸糧道造報。

大清會典卷之四十四

文政三



Faint vertical text columns, likely bleed-through from the reverse side of the page.



